

[en marge] Ecclesia parochialis sancti Sebastiani de loco Monticelli

Die 21 iunii.

Praefatus dominus Ferrarius visitator qui supra (etc.).

Accessit ad ecclesiam parochialem loci nuncupati Monticelli, quae est sub invocatione sancti Sebastiani et pro maiori [261r] commoditate populi supplet vicem parochialis ecclesiae, quae est sub titulo sancti Quirici in distantia dimidii stadii circiter. Facta igitur absolutione mortuorum,

Visitavit sanctissimum Eucharistiae sacramentum, quod deinde in pixide in totum argentea reposuit in capsula quae est subtus tabernaculum, quod est ex ligneo inaurato. Sed quia praedicta capsula nullis est ornamentis decorata mandavit saltem anteriorem partem pingi coloribus et in ostiolo imaginem sanctissimae Eucharistiae seu Christi Iesu.

Habetur ulterius alia pixis parva cum cuppa tantum argentea inaurata pro communione infirmorum.

Item ostensorium ex argento inaurato pro processionibus.

Insuper tres calices, unus quidem totus argenteus cum sua patena, alii vero solum argentei quoad cuppam.

Visitavit deinde capsulam ex ligno inaurato cum suis crystallis, intra quam [261v] conservantur reliquiae sanctorum martyrum Peregrini, Foelicis, Boni, Donati et Optati, de quibus habetur instrumentum authenticum quod repositum est intra ipsam capsulam. Sed quia est operculum facile ad aperiendum mandavit quanto citius glutine firmari, ita ut non possit amplius aperiri; et ad ostendendum visitatoribus successoribus aliquod monumentum de veritate reliquiarum mandavit fieri copiam in forma authentica de instrumento quod dictum est repositum esse in ipsa capsula, quae conservatur in fenestella a cornu epistolae altaris maioris cum sua fenesta vitrea a parte anteriori; et quia haec est facile amovibilis mandavit muniri sua sera et clave ad formam.

Visitavit deinde altare sanctissimae Virginis de Rosario, cui est aggregata societas Rosarii, et manutenetur ab eadem societate, quae quidem nulos habet redditus certos, sed solum eleemosynas [262r] piorum et oblationes consororum, quae administrantur per priorissas, et in fine anni earum officii reddunt rationes prorissis novis cum interventu et assistentia admodum reverendi domini rectoris.

Visitavit deinde altare honorifice cum columnis constructum sub titulo beatissimae Virginis de Suffragio, quod manutentur ex eleemosynis quas quaestuant duo qui eliguntur de populo ab ipso rectore, cui deinde reddunt rationes dictarum eleemosynarum quae insumuntur pro missis celebrandis et ad ornatum altaris; tamen hortatus est admodum reverendo rectore ut curet institui societatem Suffragii cum aggregatione archiconfraternitatis Romae quae est de Suffragio.

Visitavit deinde altare sub titulo sanctissimae Virginis Conceptae Immaculatae, cui est annexum beneficium simplex habens de redditu libras trecentum circiter, cum onere missae quotidiana, salvo die uno in singulas hebdomadas, et altare et beneficium est de iurepatronatus domini capitanei Antonii Orticoni [262v] eiusdem loci, et capellanus de praesenti beneficiatus reverendus dominus Angelus Campocaseus ad nutum amovibilis, et implet legata missarum praedictarum. Insuper praedicti de familia Orticona habent aliud legatum perpetuum, quod habet de capitale libras quinque centum in tot capitalibus censum, quorum fructus debent impendi pro celebratione missarum pariter in hoc altare, et satisfaciunt sacerdotes de dicto loco.

Visitavit fontem baptismalem, qui habet concam lapideam, et mandavit iterum infundi olea sacra cum suppletione orationum quae dici consuescunt in sabbato sancto. Ibi etiam conservantur vasa stamnea cum oleo chrismatis et cathecumenorum. Mandavit fieri suum conopaeolum de tela cerulei coloris. Concavum aquae lustralis quae est in circa medium ecclesiae mandavit transferri in situm vicinorem portae ecclesiae.

[263r] Sedes confessionales sunt ad formam.

Sacrario mandavit fieri suum ostiolum clave munitum.

Item mandavit aperiri fenestellam in pariete a cornu evangelii altaris maioris, intus panno violaceo ornatam, pro conservando oleo sancto pro infirmis.

Sacristia est honorifice provisa de paramentis.

Corpus ecclesiae est pulchrum, cum fornicibus; mandavit fenestris ecclesiae fieri fenestras lineas.

[*en marge*] Oratorium sancti Caroli

Visitavit deinde honorificum oratorium sub invocatione sancti Caroli, in formam amplam et altis fornicibus, cum altare maiori sublimi, columnis et figuris et icona valde venusta, cum sedilibus pulchris pro confratribus, quorum similia utinam haberent non solum parochiale, sed

multae cathedrales ecclesiae Corsicae. Habet paramenta sericea cum frangis aureis omnium colorum et duos calices cum cuppa argentea, in reliquis [263v] cum patenis ex aere inaurato.

Est pariter aliud altare sub titulo sancti Antonii de Padua et sancti Nicolai de Tolentino ad formam. Manutentio in omnibus spectat ad confratres.

In hoc oratorio est erecta societas confratrum vestientium cappas albas aggregata archiconfraternitati Confalonis Roma. Habet capitula ab ordinario approbata; et quia sunt multa legata perpetua missarum in oratorio celebrandarum mandavit apponi tabellam in qua describantur praedicta legata et nomina eorum a quibus facta fuerunt et numerus missarum, et apponi prope altare maius.

Societas nulos habet redditus certos, sed solas oblationes et eleemosynas confratrum. Et quia vidit multas cappas clavo affixas altiori parte sedilium prohibuit imposterum ne ibi apponantur, sed in cancellis seu arcis sedilium, sub poena tam sacristae quam confratribus episcopo arbitraria (etc.) et oratorio applicanda (etc.).

[264r] Rationes in fine anni redduntur coram novis officialibus.

Manutentio parochialis ecclesiae quoad cereos pro celebratione missarum et processionibus spectat ad parochum, sed in processionibus sanctissimi sacramenti et in reliquis omnibus ecclesiae necessariis providet populus per suos procuratores. Admodum reverendus rector est dominus Marcus Attilius Capiassi de Sancta Reparata, qui habet bullas expeditas in cancellaria episcopali Aleriensi, et obtinuit per concursum in obitu domini Renuccii de Catinchis. Habet de redditu libras quatuorcentum quinquaginta circiter et est aetatis annorum 45.

Mandavit fieri librum de statu animarum; reliqui libri parochiales sunt ad normam.

Animae huius parochiae sunt 450 circiter et quae communicantur sunt 300, et praecepto paschali paruerunt.

Doctrina christiana docetur.

[*en marge*] Ecclesia sancti Quirici

Visitavit deinde ecclesiam sub titulo sancti Quirici martyris, quae quidem habet titulum [264v] parochialis, sed quia est aliquantulum remota in ea raro celebratur et tunc omnia deferuntur ex ecclesia sancti Sebastiani. Mandavit ibi provideri de cruce et uni ex sepulturis de ostio lapideo, sub poena arbitraria (etc.).

Visitavit pariter oratorium campestre sub invocatione sancti Francisci Xaverii, in quo mandavit provideri de nova iconе et ostium claudi sera et clave, sub poena interdicti (etc.).

Oratorium manutenetur a populo, sed solum ex eleemosynis; est provisum de calice habente cuppam argenteam, cum patena et unica planeta diversorum colorum, cum missali, et ibi celebratur ad exigentiam devotorum, deferendo paramenta, quae ibi non conservantur cum de praesenti sit apertum.